

# INUIT ATAQATIGIIT

## INATSISARTUNI



UKA2023/20

Ulloq saqqummiivik: 05.10.2023

Illit atit: Mariane Paviaisen

**Nioqutissanik eqqussuinermi akitsuutit pillugit Inatsisartut inatsisaata allangortinnera pillugu Inatsisartut inatsisissaattut siunnersuut**  
(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Inuit Ataqatigiit sinnerlugit Naalakkersuisut akitsuutinut piaallutik siunnersuuteqarnerannut qutsavigaagut.

Neqinik eqqussuinermi akitsuut qinigaaffimmi uani eqqartorluarneqareerluni peerneqarnissaminut piareerluinnalerpoq.

Immikkut nuannaarutissatut oqaatigisariaqarpar tassami uani qinigaaffimmi ukiakkut 2021-mi immikkoortoq 109-mik normulerneqarnikuusumik siunnersuut ima qulequtalik maani oqallisigaarput:

**“Nersussuit puulukillu nujuitsut neqaannik ilivitsunik aamma affarnik nioqutissat 1999-mi eqqussuinermi akitsuutaarutsinneqarnerisa sunniutaannik naliersuinermik Naalakkersuisut UKA2022-mi saqqummiussinissaat pillugu Inatsisartuni aalajangiiffigisassatut siunnersuut. Naliersuinermi ilaatigut akitsuutaarutsitsinermi ataatsimut piffinnilu suliffissaqartitsinikkut sunniutit kiisalu neqinik igaannariangorlugit sulianik eqqussuisarnermut sunniutit ilangunneqassapput. Taamattaaq naliersuinermi nunatsinni neqinik tunisassianik suliarinnittarneq annertunerulersinniarlugu eqqussuinermk killiliissutaasinnaasut qulaajarnissaat ilaatinneqassaaq.”**

Taamanikkut saqqummiuppara siunertarerpiarlugu neqit akitsuutaat peerneqarluni kujataani Narsami Neqi A/S-imi neqit piareeriikkat tikissiinnartarnerat unitsinneqarluni igariaannangorlugit nunatta iluani suliarineqartalernissaat.

Naalakkersuisut taamanikkut allannguutissatut siunnersuuteqarput:  
“Nersutit puulukillu nujuitsut neqaannik ilivitsunik aamma affarnik nioqutissat eqqussornerani akitsuutaarutsinneqarnerisa sunniutaannik, akileraartarnerermi aamma akitsuusersuinermi aaqqissuussinermut ataqatigiisillugu Naalakkersuisut naliersueqquneqarnerat pillugu Inatsisartu aalajangiiffigisassatut siunnersuut”

# INUIT ATAQATIGIIT

## INATSISARTUNI



Ataatsimiitaliamilu suliarineqarami taasissutissartaa imaalillugu  
ataatsimiitaliap isumaqatigiittup imaalillugu inersuarmut utertipparput:  
“Nersutit pulukillu nujuitsut neqaannik ilivitsunik aamma affarnik nioqqutissat  
eqqussornerani akitsuutaarutsinnejnarnerisa sunniutaannik, akileraartarnermi  
amma akitsuusersuinermermi aaqqissuussinermut ataqatigiissillugu,  
nalilersueqqullugit Naalakkersuisut peqqquneqarnissaannik Inatsisartut  
aalijangiiffigisassaattut siunnersuut. Nalilersuinermermi ilaatigut  
akitsuutaarutsitinermi ataatsimut piffinnilu suliffissaqartitsinikkut sunniutit  
kiisalu neqinik igariaannanngorlugit sulianik eqqussuisarnermut sunniutit  
ilanngunneqassapput. Taamaattaq nalilersuinermermi nunatsinni neqinik  
tunisassianik suliariinnitarneq annertunerulersinniarlugu eqqussuinermerik  
killiliissutaasinnaasut qulaarnissaat ilaatinneqassaaq.”

Suliaq suli Naalakkersuisunit naammassineqanngitsoq Demokraatit neqinik  
akitsuutinik peersiniarlutik siunnersuuteqarput siornalu tamanna  
akuersissutigaarput.

Taamaammat Inuit Ataqatigiinniit misigisimavugut siunnersuutip uummap  
qinigaaffiup aallartinneraniilli suliamic ingerlatsilersimalluta qujavugullu  
amma massakkut piviusunngulermat.

Taamaalilluta siunnersuut tamakkiisumik taperserlugu oqaatigissavarput.

Qujanaq.